

Gonorrhea

Neisseria gonorrhoeae



Kab Mob Kas Cees Paug Tseeb yog ib tug kab mob kis los ntawm kev sib deev

(STD) uas tshwm sim los ntawm kab mob bev taws lias thiab tuaj yeem tiv thaiv tau. Nws yog yam kab mob STD thib ob uas kev tshaj tawm muaj mob tshaj nyob hauv Wisconsin. Cov neeg tuaj yeem muaj kab mob kas cees paug tseeb uas tsis muaj cov tsos mob mus ntau hli yog tsis tau txais kev kho. Cov poj niam tuaj yeem muaj kev puas tsuaj rau cov cuab yeej muab kev txhim kho hauv nruab cev. Cov txiv neej thiab cov poj niam tuaj yeem kis tau tus kab mob kas cees paug tseeb rau lawv cov neeg koom pw ua ke. Koj tuaj yeem txais tau kab mob kas cees paug tseeb dua tom qab tau txais kev kho thiab kab mob kas cees paug tseeb tuaj yeem ntxiv kev phom sij rau koj uas yuav tau txais kab mob HIV.



Nws kis mus tau li cas thiab leej twg yuav tau txais tus kab mob kas cees paug tseeb?

- ▶ Kab mob kas cees paug tseeb kis mus tau los ntawm kev sib deev uas siv chaw mos, qhov quav, thiab/los sis qhov ncauj nrog rau qee tus neeg uas muaj kab mob. Cov me nyuam mos liab tuaj yeem txais tau kab mob kas cees paug tseeb tau ib yam nkaus sij hawm yug los yog hais tias tus niam muaj tus kab mob.
- ▶ Yog koj muaj kev sib deev, koj tuaj yeem tau txais kab mob kas cees paug tseeb; txawm yuav ua zaj twg, muaj coob pawg neeg uas muaj feem yuav tau txais kab mob kas cees paug tseeb:
 - Cov neeg hluas ua muaj kev sib deev
 - Yog hais tias koj los sis koj tus neeg koom pw ua ke muaj qee tus kab mob STD, koj kuj tuaj yeem txais tau kab mob kas cees paug tseeb thiab.
 - Yog hais tias koj muaj kev sib deev tshaj ib tus neeg koom thiab/los sis tus neeg koom pw ua ke tshiab.



Cov yam ntxwv thiab cov tsos mob zoo li cas?

- ▶ Yuav luag txhua tus neeg uas TSIS muaj cov tsos mob thaum lawv muaj tus kab mob kas cees paug tseeb, tiam sis yuav pom tau thaum lawv tau txais kev sim kuaj xyuas.
- ▶ Cov txiv neej los sis poj niam tej zaum yuav hnov mob kub lug thaum tso zis, muaj paug tawm los, los ntawm tus txiv neej los sis poj niam qhov chaw mos. Cov txiv neej tej zaum kuj yuav hnov li lawv xav tso zis heev dua qub tuaj. Cov poj niam yuav muaj mob duav thiab/los sis muaj pob nyob rau qhov chaw mos sij hawm coj khaub ncaws. Yog hais tias koj muaj cov tsos mob nws keev muaj yog li 3-10 hnuv tom qab muaj kev sib deev nrog qee leej uas muaj kab mob kas cees paug tseeb.





Cov kev xaiv rau kev kuaj xyuas thiab kev kho yog dab tsi?

- ▶ Koj tuaj yeem txais kev kuaj xyuas kab mob kas cees paug tseeb tau ntawm kws kho mob qhov chaw ua hauj lwm, chaw kho mob me uas kho tsev neeg, los sis chaw kho mob me rau STD. Kev tau txais kev kuaj xyuas thiab kho ncav sij hawm ua ntej tuaj yeem tiv thaiv tau teeb meem ntau thiab cheem tau kev kis mus ntawm kab mob kas cees paug tseeb. Yog hais tias koj muaj kab mob kas cees paug tseeb, kom koj cov neeg koom pw ua ke rau sij hawm peb lub hlis dhau los mus kuaj xyuas thiab kho AND. Tej zaum lawv yuav tsis muaj cov tsos mob tiam sis tseem muaj kab mob kas cees paug tseeb. Yog hais tias koj muaj kev sib deev nrog tus neeg koom qub, koj tuaj yeem tau txais kev kis tau dua txawm tias lawv yuav tau txais kev kuaj xyuas thiab kho lawm.
- ▶ Koj tuaj yeem txais kev kho uas ua ib zaug kho los ntawm azithromycin thiab doxycycline. Cov poj niam uas tsis tau txais kev kho tuaj yeem ua kab mob to rau plab mog (PID) uas mob heev. PID tuaj yeem ua rau muaj me nyuam nyuaj thiab xeeb tsig nqaij caws pliav uas yuav ua rau muaj me nyuam sab nrauv ntawm tsev me nyuam. Nyob rau ntawm txiv neej, nws yuav ua rau mob rau ob lub noob qes thiab tsis muaj zog rau kev muaj me nyuam. Tag cov txiv neej thiab poj niam uas tsis tau txais kev kho tuaj yeem muaj mob pob qij txha.



Kuv tuaj yeem yuav tiv thaiv kev kis kab mob kas cees paug tseeb tau li cas?

Muaj ntau txoj hauv kev los tiv thaiv tau kev kis kab mob kas cees paug tseeb thiab nws ua tau yooj yim zoo li ABC (KMK):

Kev Ceev faj, yuav muab hais ces yog txhob muaj kev sib deev.

Muaj ib leeg yuav ib tug los sis tsuas muaj kev sib deev nrog tib leeg uas muaj kev sib deev nrog koj thiab tsis muaj kab mob STD. Koj tuaj yeem kuaj tau seb neb ob leeg puas muaj kab mob STD xws li kab mob kas cees paug tseeb uas yog mus kuaj xyuas ua ke.

Kev siv hlab looj tuaj yeem tiv thaiv tau koj los ntawm kev kis kab mob kas cees paug tseeb tiam sis tsuas tau txij yam uas lawv tiv thaiv tau xwb. Yog hais tias koj tsis siv lawv rau kev sib deev siv qhov ncauj, koj kuj tseem tuaj yeem kis tau kab mob kas cees paug tseeb thiab.

